


日本藏中國罕見地方志叢刊

〔康熙〕麻陽縣志

〔康熙〕安鄉縣志

〔乾隆〕續增城步縣志



日本藏中國罕見地方志叢刊

〔康熙〕

麻陽縣志

〔康熙〕

安鄉縣志

〔乾隆〕

續增城步縣志

書目文獻出版社

(京)新登字189號



日本藏中國罕見地方志叢刊

〔康熙〕麻陽縣志

〔康熙〕安鄉縣志

〔乾隆〕續增城步縣志

書目文獻出版社出版

(北京文津街七號)

新華書店北京發行所發行

秦皇島市資料印刷廠印刷

787×1092·1/16·27.5印張

1992年11月北京第一版 1992年11月北京第一次印刷

定價：56圓

ISBN 7-5013-0952-3/K·130

出版說明

地方志是我國文化遺產的一個重要組成部分，也是我國古代文化發展史上特有的現象。方志的編撰源遠流長，代有修撰，明、清時期達到頂峰，產生了許多優秀之作。方志的價值也越來越多地爲人們所認識，它不僅是編修新志必不可少的基礎和參考，也是今天研究古代文學、民俗學、歷史地理、天文礦藏、古代農業生產、自然災害，特別是明清以來社會歷史發展情況的資料寶庫。

據《中國地方志聯合目錄》不完全統計，流傳至今的歷代方志有八千二百餘種，其中不少流散海外，爲日本、法國、美國、加拿大等國所收藏，我國國內僅有存目。爲保存祖國文獻，發展民族文化，滿足國內的研究需要，北京圖書館通過各種渠道，主要是國際交換的方式，廣泛查尋、搜集流散於海外的方志，並製成縮微膠卷。我社對這批膠卷進行整理，選取了其中現爲日本所藏，國內罕見的地方志近百種，編成叢刊，影印出版。

本叢刊的取舍原則以書的內容價值爲主，同時兼顧版本的情況，擇優而從。選入本叢刊的方志主要是明、清兩代所修，其中百分之八十是原刻本；有十餘種《中國地方志聯合目錄》未予記載；另外，有些方志《中國地方志聯合目錄》雖收錄，卻記載有誤。還有個別方志，國內雖有刻本，但版本不精，雖有膠卷，而未及影印，廣大讀者不易得見，我們也選入了本叢刊。

《日本藏中國罕見地方志叢刊》將陸續分冊出版，預計兩年出齊。原則上，每種書爲一冊；但是卷數少者數種合爲一冊（以地區劃分，歸類相聚，各類中又以修撰時間先後爲序），卷數多者一種析爲數冊。我們在影印編輯過程中，除對個別明顯錯簡、倒置的地方進行糾正外，原書缺頁之處也加以說明，其餘則儘量保持原書的面貌。

本叢刊的出版得到了北京圖書館普通古籍組薛英、伍躍、鮑國強等同志的大力支持，楊殿珣先生並於百忙中爲叢刊題簽，在此，我們謹致謝忱。

書目文獻出版社

一九九〇年二月

日本藏中國罕見
地方志叢刊

楊殿珣題

目錄

〔康熙〕麻陽縣志十卷·····	一
〔康熙〕安鄉縣志十二卷·····	一一一
〔乾隆〕續增城步縣志不分卷·····	三五

敘

維康熙歲次甲子爲

今上御極之二十有三季向春

閩粵黔滇逆賊叛踞

皇上指授方畧德威遐暢數載

之內以次削平卽自

本朝定鼎以來海外絕島積

季未誅之逋寇如廈門臺灣

者亦歸命納土並入版圖是

時海宇同風車書一統運際

旋元之始天時人事休徵協
應

皇上天縱神武以守而兼創之

烈繼而裕垂之謨旣削末大

之憂爰建久安之策於是戒

飭華工厲精庶政肇舉

東巡之典編輯

大政之書而最要且鉅者

如

命儒臣纂修

皇清一統志猗歟盛哉斯誠
國家太平極治之嘉會而我

皇上堯前裕後之鴻猷也志璋

叨宰邊邑適值

督撫藩臬諸憲檄徵

郡邑志書將纂成楚省通志

且上之

蘭臺以供採輯而麻邑自遭

逆亂之後簡策強半焚毀且

前當

王師進剿凱旋百務倥偬日
不暇給茲乃兢兢修補於殘

缺之餘採掇舊聞增輯新見

命工剞劂於乙丑歲秋八月

遂成完書乃不揆而敘之夫

典籍圖志之關於

國家詎不大哉如禹貢職方

之屬此圖志之權輿固昭然

列之爲經萬世所考證也抑

不寧惟是昔吾夫子於夏殷

之禮而深感於杞宋之不足
徵而列國兵爭強凌弱衆暴
寡皆起於諸侯之去其籍蓋
先王之典制不復存而并吞
者無所忌也蕭何之佐高祖

也亦曰先收秦丞相府圖籍
後却天下阨塞戶口多少強
弱之處由此觀之上自王朝
下及侯國莫不各有其籍圖
志以紀其山川封域土田貢

賦制度禮樂民俗政教而俾
後代世守焉卽推而言之六
經以及歷代諸史亦何莫非
天下古今之太典籍圖志也
又何獨禹貢職方之屬焉

圖志哉今天下一家封建變
爲郡縣郡邑志書卽古列國
諸侯之典籍圖志也其中所
載大之而山川之表會疆野
之分畫田賦之贏誦戶口之

登耗風氣之淳駁典章之沿革學校之興脩官職之建置吏治之寬猛汙隆俗尚之剛柔奢儉以至前之吏於斯土者善可爲法惡可爲鑒與夫

道路溝塗橋梁宮室廡庾之細亦無非官政之所係而皆於志乎是徵蓋一方之政俗在焉今使爲吏者目不覩圖志之書不能因乎山川風氣

之別審乎習俗政教之殊以經其法而宐其民縱銳意爲治有良法異政施之而愈拂行之而愈悖矣誠使爲吏者披圖按志因民之性以調張弛之宜察俗之尚以節豐儉之中量地之產以經出入之法而風教典制與夫吏蹟法戒之昭垂莫不視傲而化裁之於以盡人之情而達事之

變不亦與記所稱修其教不
易其俗齊其政不易其宜之
道之旨深有合乎哉且夫天
下者一郡一邑之積也一郡
一邑治則天下無不治矣總
一郡一邑之治以成天下一
統之盛治總一郡一邑之書
以成天下一統之全書下焉
以著守令循良之績而上焉
卽以稽

國家忠質文之尚故郡邑圖
志者天下治化所從出而承
古今治化所從徵也圖志之
所關詎不大哉顧無奈隨世
就功之士但知期會簿書之
爲急而以贅疣視圖志則亦
何所考鏡以敷政宐民而昭
宣上理乎余則陋矣固不足
以及此惟是於刊輯志書之
成而推論其旨以告夫後之

人誠能讀焉而思思焉而措
諸行則龔黃卓魯之業庶幾
旦暮遇之矣謹敘

昔

康熙二十四年秋七月甲戌

麻陽縣志

敘

湖廣辰州府沅州麻陽縣

知縣閩溫陵黃志璋撰



麻陽縣志序

邑志國史也今之邑古之國也又何能無史哉雖然史未
易言也有事有文有義三者備然後可與言史春秋古今
天下之信史也筆則筆削則削不隨時會為褒貶若朱子
綱目司馬通鑑繼春秋而大著其旨也自來家天下之正
本朝之前一代之後耳其他不能無懋德考亭君實成則
正統之敗則旁列之未免以成敗論也以知昔自大聖人
春秋而後天下無信史矣典一志邑何敢妄希古人然有
一序必究其事之始終有一論必取其文之雅馴而義未

麻陽縣志

陳序

常不在又何敢註於志曰某也義何居某也義何若也抑
亦事核而文實斯已耳事則麻陽之事也文則麻陽之文
也義則竊取春秋謹嚴之意何也古有美惡無褒貶也其間
綱領條目大都與他志同不敢然一最畧也始於己酉夏
竣於庚戌之秋閱十四月而志始成以一手筆不能不煩
時日也况春秋聖人之志志邑者法春秋又安得不詳慎
也哉昔

康熙九年秋七月己巳湖廣辰州府沅州麻陽縣知縣

古堯陳五典序

麻陽縣志舊序

麻陽辰屬邑古唐宋錦州地往兵燹為患政務助勸令邑者不遑志蜀漢川蔡君令七年政成民安始志其事以徵文獻守湖北道大蔡知南海郭公賜鴻序升其首政以志載志以序光郁乎都矣蔡君受而梓成以示余。讀之卒業歎曰思深哉蔡君之慮麻陽也志之有方輿建置官守人物例也而君於水利學校獨志之詳及哨堡衛屯雖附麻而非麻事亦並志之君蓋思深而慮遠矣麻苦旱無備君故導溝洫開水利麻人文不振君故創學宮厲賢才麻

麻陽縣志

序

隣苗苦侵擾君故嚴哨堡重邊防三者皆政之大經而在麻尤為有繫君於民事罔不畱神而三者尤注意麻民之康食安寧而人文彰。興者皆君賜也嗣君者循是行之麻可百世庇矣藉令當世尹皆麻陽則聖天子垂拱而臻上理何煩宵旰惜也。相福之吏實豐而名畜觀風採治以獻天子而君每遺珠豈與獻者其政又何如趙卓而不可等倫耶噫不然吏近則其勢親故其名易達吏遠則其勢疎故其實難孚君遠吏也又不飾名不釣譽自盡而不求達於上毋惑乎遺珠矣雖然君以五載晉州刺史而麻之

父老諸院道攀留卒得請以晉秩視縣事則君已乎當道結知又何病矧百世而下循是志即知有蔡君則君與漢魯恭卓茂並埒其所得不既多哉即今早稜歲誦麻民待命孔殷君其益勵初志以圖稱塞寵命勛庸並未艾也萬曆十有八年正月上元日賜進士出身中憲大夫知辰州府事宛陵趙健拜書

麻陽縣志

序

麻陽縣志目錄

方輿志卷之一

地圖 沿革 星堃 疆界 山川

都甲

學校志卷之二

學制 釋菜 位次 祀典 樂舞

建置志卷之三

城池 公署 壇祠 橋梁 水利 舖舍

秩官志卷之四

麻陽縣志目錄

知縣 典史 訓導 巡檢

食貨志卷之五

田賦 丁役 土產

選舉志卷之六

進士 舉人 貢士 武職 武舉 監生 掾員

壽考

人物志卷之七

忠孝 義勇 節烈

方外志卷之八

仙釋 寺觀

藝文志卷之九

文 詩

外紀志卷之十

哨堡 屯衛


麻陽縣志目錄

麻陽縣志卷之一

方輿志

序曰昔軒轅驪理天下得百里之國萬區麻陽雖小亦萬區中之百里也且楚自熊繹分封歷熊渠稱王至莊王而楚益大其時苞茅不貢齊實征之今邑有苞茅山苞茅久不可知山之表見似不虛則麻亦三代上之職方物邑也其間天時人事地宜皆於方輿徵之方輿志則凡麗於方輿者可次第舉矣志方輿地圖

麻陽縣方輿地圖



將臨紛呼應聲息匪遙其爲防禦自有定算不列于圖凡圖之內邑里之廣狹道路之遠邇一披閱而名山大川在指顧矣河道必書地名必書總不敢依樣葫蘆俾所視非所履也觀于圖而麻陽之志思過半矣

沿革

邑本隋沅陵辰溪二縣地唐武德初置麻陽縣屬辰州垂拱初以麻陽及關山洞置錦州又析置龍門縣尋省朱析置招諭縣熙寧間以招諭省入麻陽隸沅州元仍舊明洪

麻陽縣志

卷之一

三

武十四年編籍三十九里二十四年併爲二十四里屢因苗倭居民逃亡永樂元年析絕戶爲平清偏鎮辰沅六衛屯田故膏腴多入武籍麻陽僅併七里隸沅州屬辰州府本朝因之

論曰按邑之命名或以山或以水或以逸事或因義起或以人傳唯麻陽名縣則不知其義何居自隋歷今析置不一而當時之名錦州名龍門名招諭者俱不之取而麻陽之名至今傳何哉豈邑不號朝歌里不名勝母皆可來時人之駕爲茲已弘獎風流耶姑

麻陽縣志

卷之一

二

論曰邑極楚西鄙溪河灘漲支分上游幅員偏小然峯巒綿亘有如列屏界連東南百餘里許西北接壤路不盈百大路雖屬通衢然盤嶺迴溪未可概稱平坦至于岐路入僅間行蓋從一望平楚中疊爲出沒峻嶒險壘祇堪徒步非熟諳地道者未可輕投足也銅仁河次難艇往來水勢西流頗頻迅駛由銅而麻出辰溪河口可縱一葦沂流沅芷順棹辰江此固水勢可歷指者北邊牆外背居巢穴近歛輯牆內兵民雜處各安堵無事舊設營壘基布如初五寨乾州主

閩之侯博雅之君子考訂焉

星堊

本禹貢荊州之域在翼軫之分謁尾之次天文書曰翼軫在巳自張十六度至軫九度爲鶉尾之次當楚之分麻爲楚微所謂九度末乎舊志

論曰春秋昭公十七年冬有星孛于大辰西及漢鄭大夫裨竈言于子產曰宋衛陳鄭將同日火明年夏五月皆火裨竈曰不用吾言鄭又將火蓋言若用確牟玉璫鄭必不久故也子產曰天道遠人道邇非所

麻陽縣志

卷之一

四

及也遂不與亦不復火嗟乎觀于鄭火不火之故而知天人之際矣按星經熒惑主楚宋景公有至德之言三熒惑徙三舍又有曰郎官上應列宿苟非其人民受其殃大都吾人一念善則景星慶雲一念惡則妖風厲雨天定固能勝人人定亦能勝天君子亦第謹其人事而天事之敬在其中安得徒觀象緯爲也晉書以武陵入軫十度晉隋時辰沅沔皆屬武陵郡考世紀載一度爲二千九百三十二里麻雖楚微同在湖南千里之內其微詳焉當十度之次又何必過之

分晰哉爲周官所掌太史所記其弭災名祥之道要自有在不遠區別于九度十度之間明矣

疆界

邑東西廣一百八十里南北袤一百二十里東至辰溪界一百三十里抵縣一百五十里南至沅州界五十里抵州一百三十里西至施溪長官司界五十里至銅仁府九十里北至五寨長官司界五十里抵司城八十里東南至羅舊驛一百二十里東北至盧溪縣橫坡九十里西南至晃州驛一百三十里東至本府水路四百五十里陸路三百八十里至本省水路一千九百里陸路一千五百里至江南省城水路三千九百里陸路三千九百八十里至盛京水路七千八百里陸路七千三百八十里

麻陽縣志

卷之一

三

論曰提封之內八地其有一人其民則趨向一而風教同爲治易也麻九邑也中雜平溪清浪偏橋鎮遠辰沅六衛之地七城于麻人籍于衛有司不得而問焉安在我疆而我理也雖然朝廷有分土無分民悅之來之幾不辯爲非一父之子彈丸封域亦是爲政實在蒞茲土者矣